

Zeitschrift: Igl Ischi : organ della Romania (Societat de Students Romontschs)
Band: 66 (1981)
Heft: 17

Nachruf: En memoria da conredatur Paul Decurtins (1948-1881)
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 22.11.2024

ETH-Bibliothek Zürich, E-Periodica, <https://www.e-periodica.ch>



En memoria da conredactor

Paul Decurtins

(1948–1981)

Il 17 d'ost 1981 ha Paul Decurtins bandunau nus per adina suenter ina cuorta, mo nauscha malsogna. La mort dil bien amitg e premurau collega ha era muntau per ils conredactors digl Ischi semestril ina sorpresa dolorosa. – Paul Decurtins ei entaus 1980 en la redacziun da nossa periodica sco responsabel dil ressort «Economia, damondas socialas, politica». El ha surpriu cun tschaffen quella incarica, era sch'el ha giu empau retenientscha avon che sedecider. Malgrad il cuort temps sco redactor ha Paul fatg buna lavur. El senuspeva era buca da sorprender lavurs administrativas. Nus tuts apprezzavan el specialmein pervia da siu dun d'ulivar las differenzas che san semussar en in collegi redacziunal. – Siu engaschi per il lungatg mumma seresultava da sia perschasiun dalla valeta dil romontsch. Sper la lavur sco conredactor digl Ischi semestril era el in premurau collaboratur dalla Gasetta Romontscha. En in lungatg genuin ed original rapportava el mintgamai davart las radunonzas dil cussegl da vischnaunca e dalla pleiv da Domat. Era per il «Bündner Tagblatt» ha el prestau differentas gadas prompts survetschs. – Da sia perschasiun romontscha seresulta era il fatg ch'el ei secasaus cun sia famiglia a Domat, ch'el tschintschava romontsch cun sia poppa Cristgina e sche zaco pusseivel era cun sia dunna che ha empriu sursilvan. Igl ei perquei in gèst da gronda pietad ed el senn dil defunct, sche sia famiglia

serenda primavera proxima en ina vischnaunca romontscha dalla Sur-selva.

A prau cun la carezia per il lungatg mumma mava sia attaschonza per la patria. En la Bassa sesenteva il Paul buca da casa. Sco student alla Scola aulta da Sogn Gagl, ch'el concluda cun il licenziat, ni sco emploiau a Turitg serendeva el sche zaco pusseivel a casa la fin dall'jamna. Il pli bugen vess Paul probabel viviu a Cumpadials, siu vitg nativ, sche sia professiun vess lubiu quei. Denton reussescha ei ad el da vegnir pli damaneivel da siu origin: Igl onn 1977 vegn el eligius sco emploiau tier igl uffeci da persunal dil cantun Grischun. Sia incumbensa ei specialmein l'organisaziun dil persunal cantunal. Paul Decurtins sesenta beingleiti da casa en sia nova piazza. Entras sia lavur seriusa, sia loialitad e siu dun dad ulivar anfla el l'accoglientscha tier ses superiors e collaboraturs ed era tier ils emploiai cun ils quals el haveva da far. La gronda simpatia ch'el gudeva ei semussada ella gronda participaziun dalla sepultura a Sumvitg, nua che cusseglier guvernativ, dr. Reto Mengiardi, ha undrau il defunct en digna moda.

Il medem onn che Paul Decurtins ei returnaus el Grischun marida el la giuvna Beatrice Mäder da Mörschwil. La giuvna famiglia secasa a Domat. Gronda legria porta l'arrivada dalla poppa Cristgina. Per haver propi in dacasa era Paul sil precinct da baghegiar casa. El temps liber s'occupava el il bia da sia famiglia. Bein bugen mava el a Cumpadials ni a Laus, nua ch'el haveva acquistau ina casa ensemen cun siu frar. Dasperas era el in premurau commember dalla secziun Terri dil Club Alpin Svizzer. A Domat fageva el part cun tschaffen dil chor viril. Ins steva bugen entuorn il Paul cun siu humor schetg e sias teccas beinvulentas.

Segiramein astgan ins dir che Paul era in carstgaun ventireivel. Ton pli dolorusa ei là nova da sia mort prematura stada. Nus lein mantener Paul en memoria sco bien amitg e collega e sco in carstgaun che ha viviu tenor sia idenditad.